



Saksframlegg

Arkivreferanse: 2023/1009-8

Sakshandsamar: Finn Arne Askje

Saksgang

Utval	Møtedato	Saksnummer
Formannskap		

Bygdevekstavtale - politisk forankring

Saksframlegg godkjent .

Bakgrunn for saka

Vest-Telemarkkommunane Fyresdal, Kviteseid, Nissedal, Seljord, Tokke og Vinje har fått innvilga søknaden om å delta i prøveordninga med Bygdevekstavtaler i 2024. Denne avtala har som mål å fremje busetjing, kompetent arbeidskraft og berekraftig næringsutvikling i distrikta. Avtalene vil i første omgang setje søkelys på å tydeleggjere og spisse kommunane sine utfordringar som skal danne grunnlaget for ei avtale med staten.

Prosjektet er delt inn i to fasar:

Fase 1: Førebuing og utarbeiding av forslag til ei avtale med staten. Frist for innlevering er 29. november 2024.

Fase 2: Dersom vi inngår ei avtale med staten, vil kommunane kunne søkje om midlar til gjennomføring av avtala.

Tilskotsordninga er rekna til å vare i tre år med atterhald om Stortinget sine årlege budsjettvedtak. Vidareføring av avtala etter denne perioden blir avgjort av partane.

Saksutgreiing

Kommunal- og distriktsdepartementet tilrår at kommunestyra gjev ordføraren mandat til å godkjenne det endelege utkastet til bygdevekstavtala og forhandle på vegne av kommunen. Dette gjev den nødvendige fleksibiliteten til å tilpasse avtala i den siste fasen av forhandlingane, utan at heile avtala må vedtakast i si heilheit innan 29. november. Kommunestyret kan på denne måten forankre prioriteringar og hovudlinjer medan ordføraren får mandat til å handtere den formelle godkjenninga. Den endelege avtala vil bli lagt fram for kommunestyret for vedtak seinare.

Økonomiske konsekvensar

Det er ingen direkte økonomiske konsekvensar i denne fasen av arbeidet. Eventuelle økonomiske plikter vil kome fram i fase 2 dersom det blir inngått ei endeleg avtale med staten.

Konklusjon

Kommunane i Vest-Telemark har blitt valt ut som éin av fem pilotkommunar for å prøve ut ordninga med Bygdevekstavtale som er initiert av Kommunal- og distriktsdepartementet. Ordninga har som overordna mål å styrke busetjing, sikre tilgang til kompetent arbeidskraft og fremje framtidsretta næringsutvikling i Distrikts-Noreg. Departementet har tilrådd at kommunestyra gjev ordføraren mandat til å godkjenne avtaleforslaget og forhandle på vegne av kommunen. Den endelege avtala skal leggjast fram for kommunestyret for vedtak før formell signering.

Kommunedirektørens tilråding

Formannskapet gjev ordføraren mandat til å godkjenne forslaget til Bygdevekstavtale og forhandle på vegne av kommunen. Den endelege avtala skal leggjast fram for kommunestyret for vedtak før formell signering.